



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno CCCXLVII. ad annum CCCCII.

Parisiis, 1644

Epistola Synodica. Concilium Mediolanense Evsebio Fratri In Domino
Salvtem.

urn:nbn:de:hbz:466:1-15256

° EPISTOLA SYNODICA.
 CONCILIVM MEDIOLANENSE
 EVSEBIO FRATRI IN DOMINO SALVTEM.

Extat in a-
 ctis vitæ S.
 Eusebii ex
 archiuo
 Vercellenfi
 edita.

NON ignorat carissima nobis dilectio tua, quam sit
 preciosum vinculum caritatis & pacis, domine
 carissime frater. Et quia hoc custodire nos, qui ecclesie
 catholice præsumus, diuina Domini præcepta docue-
 runt: ideo plenum sanctitatis & iustitiæ arbitrati sumus,
 vt carissimos coepiscopos nostros * Eustomium & Ger-
 minium, qui ad Concilium conuenimus, vt ad dilectio-
 nem tuam pergerent, mitteremus, & omnia patienter
 quæ aguntur insinuarent, & patefacerent; vt nobis con-
 iuncta fides tua pariter atque concordia ea sequantur, &
 quæ Deo & vnitati placeant, complectantur. Itaque sin-
 cerissima prudentia tua (quod specialiter & salubriter
 admonemus) audiat suprascriptos; & communicato pa-
 riter cum his consilio, definiat quod de nomine hæreti-
 corum Marcelli, & Photini, necnon & Athanasii sacri-
 legi, totus prope definiuit orbis: ne non tam veritati,
 quam * intentioni parere videaris. Multa in literis nos
 scribere non oportuit: eos enim ad te misimus, qui quod
 literis nunc necesse non fuit comprehendere, ipsi rectius
 prosequantur. Quod si alias, quam optamus, caritas
 putauerit esse faciendum; scito iuxta ecclesiasticam di-
 sciplinam id nos definituros, quod regula euangelica iu-
 bet: nec nobis postea imputabis, qui infinitam patien-
 tiam retinentes, fratres nostros memoratos, ad te vt ve-
 nirent, deprecati sumus.

N O T A.

* *Epistola.*] Ne mireris, lector amice, Athanasium hic sacrilegum
 nominari; scias, hanc epistolam ab Arianis nomine totius Concilii
 scriptam fuisse, eamque duos episcopos eiusdem factionis ad eum-
 dem pertulisse, qui eum cogere, vel saltem rogando inducerent,
 ne Synodo interesse dedignaretur.

EPISTOLA

ANNO
 CHRISTI
 335.

ANNO
 CHRISTI
 335.

* Eudo-
 xium

* con-
 tritioni

* specia-
 lem